



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An Cyrus debeat Venetiis Silam vitare tanquam Excommunicatum,
tam privatim, quàm publicè?

urn:nbn:de:hbz:466:1-41144

CASUS LXIV.

De vitanda communione cum excommunicatis.

Silla ob commissum grave crimen publicè Viennæ excommunicatus, & denuntiatus, illinc excessit, & Venetias petiit, ubi ejus excommunicatio ignorabatur, ibique domum emit, & mercaturam exercet: sub idem ferè tempus Venetias venit Cyrus mercator, cui perbenè nota est filia excommunicatio, ut pote qui tempore latæ, & publicè promulgatae excommunicationis Viennæ fuerat.

QUÆR. I. An Cyrus debet Venetiis Silam vitare tanquam excommunicatum, tam privatim, quam publicè?

QUÆR. II. An validi sint contractus ab excommunicato tempore excommunicationis initi?

QUÆR. III. Au communicare cum excommunicato extra tempora jure permissa peccatum sit mortale, an vero solum veniale?

QUÆR. IV. An sacramentum pœnitentie, collatum excommunicato excommunicatione minore, validum sit, & an omnis sacerdos, etiam simplex, ab hac excommunicatione absolvere possit?

362 **A**D I. Q. Satis convenit inter DD. si notitia de excommunicati censura tibi certa sit, à privato convictu & communione abstinentium esse, an autem talis excommunicatus, de cuius condemnatione nulla est in tali loco fama, vel publicus sermo, etiam publicè vitanus sit, disceptatur inter DD. Ne gant Palud. q. 6. a. 1. & 2. Durand. in 4. dist. q. 5. & Gabriel. q. 3. a. 1. litt. G. Alii verò cum D. Antonin. in 3. par. tit. 25. c. 1. §. 1. Sylvest. V. excommunicat. n. 26. Armilla V. eod. n. 61. Rosella n. 39. affir mant

mant, & ajunt, si excommunicatio Silæ Venetiis probari potest, in publico vitandum esse, secùs si probari non possit.

Alii, idque probabilius, cum Innoc. in cap. *inquisitioni*, de sentent. excomm. n. 2. Panormit. in cap. cùm non ad homines de sentent. excommun. Covarr. cap. *Alma mater de sentent. excommun.* l. 5. p. 2. §. 3. Navar. in cap. *inter verba* 11. q. 3. Comitol. aliisque centent, non solum à privata, sed etiam à publica congregacione, & communione omnino abstinendum esse. Rationem dant 1. Quia Lex Ecclesiæ excommunicatum non toleratum universaliter, & ubique à fidelibus vitari præcipit: ergo in omni loco, & tam privatim, quām publicè. 2. Quia quinque tantum casus excipiuntur, qui cum excommunicato consuetudinem, & communicationem permitunt, hoc versu comprehensi, videlicet *Utile, lex, humile, res ignorata, necesse.* Atqui nullus ex his suffragatur Cyro, ut cum Sila excommunicato communicare possit. Si enim aliquis suffragaretur, esset necessitas tuendæ famæ Silæ excommunicati; sed hæc non est, tum quia Cyrus mercator multas causas, & modos non congregandi palam cum Sila, aut ab eo digrediendi invenire potest sine ulla Silæ offensione, & ignorantia; tum quia Silæ publicè per sententiam condemnato, & denunciato nullum suppetit jus aut

famæ defendendæ, aut infamiae propulsandæ contra justam Ecclesiæ sententiam, quæ in excommunicatum, qualis est Sila, acerbiorē pœna, quām infamia sit, animadvertisit, & deteriore condicione esse decernit, quām reliquos infames, quorum crimina per Judicis condemnatoriam sententiam publicata aliis etiam locis sine injuria evulgari possunt, prout docent Major in 4. diff. 19. q. 2. Suarez to. 5. diff. 48. S. 1. n 9. Molin. disp. 33. concl. 2. Navar. in man. c. 18. n. 26. Valent. t. 3. D. 5. q. 17. p. 2. Sotus, Tolet. aliquie. Quia sicut Magistratus in criminis vindictam Reum corporis, & fortunatum bonis, ita & famâ spoliandi jus habet: idquere ipsa efficere decernit, quando eum publicâ sententiâ publicè, & coram populo de crimine condemnat, & potestatem concedit criminis divulgandi.

Ad 2. Q. sciendum est excommunicatum præter divina, & sacra, usumque actuum, & passuum sacramentorum privari quoque fidelium communicatione in Civilibus, scilicet 1. communicazione forensi, & omni actu pertinente ad Judicium; unde excommunicatus non toleratus nequit esse Judex, Actor, Advocatus, Tabellio, Procurator &c. 2. Privatur usu quocumque officii politici, publici. 3. Quacunque obligatione civili, & contractu, hoc ipso, quod